

DEN BESINDARIO

- Ser alerta riba kualkier opheto òf respiente den kua awa por keda para.
- No tira bòter, kùp òf otro artefaktonan ku por fangu awa afó for di outo.

ORA BAI KU FAKANSI

- Warda òf deshasí di tur loke ku por ta un posibel kriadero den kas i den kura.
- Tira tur sushi den bari. Sushi grandi mester wòrdu hiba Landfill!
- Tapa e pòchi wc òf pone un kuchara di salu den pòchi wc.

No ser un kriadó di sangura e por ta malu p'abo i pa otro



kòrda.....

PREVENSHON DI DENGUE TA TAREA DI NOS TUR

Pa tratamentu di renbak i/òf bakinan grandi di awa por tuma kontakto ku Servisio di Higièna;

Voor behandeling tegen muggen voor uw regenbak of andere grote bakken met water kunt u contact opnemen met Hygiënische Dienst.



**Un publikashon di:
Servisio di Informashon
Servisio di Salubridat i Higièna
Gobièrnu di Boneiru**

Adrès

Kaya Indústria 25

Tel: (599) 717-8323

Tel: (599) 717-5330 ekst. 315/320

Fax: (599) 717-8324

PREVENSHON DI DENGUE TA TAREA DI NOS TUR!

*Evitá bruimentu di e sangura Aedes Aegypti,
e sangura ku ta transmití Dengue*



PREVENSHON DI DENGUE TA TAREA DI NOS TUR

 Servisio di Salubridat Públiko i Higièna / Gobièrnu di Boneiru

KIKO TA DENGUE

Kiko ta Dengue?

Dengue ta un malesa ku ta wòrdu transmití dor di e sangura Aëdes Aegypti. Bo por rekonosé e Aëdes Aegypti na su patanan pretu ku strepi blanku. Ora e sangura Aëdes Aegypti pika un hende ku ta infektá ku e vírus di Dengue, e sangura ei ta bira e transportadó di e vírus i por transmití e vírus di Dengue di un hende pa otro. Kiko ta pasa ora ku un hende wòrdu infektá ku e vírus di Dengue?

Ora un hende wòrdu infektá, e ta haña síntomanan manera grip, pero muchu mas fuerte.



E síntomanan aki por manifestá nan mes den forma di :

- keintura haltu (39 grado òf mas),
- doló di kabes,
- doló di wowo,
- doló di wesu i doló di múskulo,
- doló den baríka,
- sakamentu òf walmentu di stoma,
- iritashon di kueru.

Dengue por resultá den komplikashon nan severo, esta Dengue hemorágiko i/òf Dengue shòk.

PREVENSHON

Kon pa prevení Dengue?

Nos por prevení Dengue dor di eliminá tur lugá kaminda e sangura Aedes Aegypti por brui (kriadero), den kura, paden i rònt di kas i den besindario. Ora ku e kriaderonan wòrdu eliminá, e kantidat di sangura ta baha i asina tambe e posibilidat di transmishon di e vírus di Dengue.

PADEN I RÒNT DI KAS

- Basha e awa den e baki pa kolektá awa bou òf patras di frishidèr afó i limpia esaki;
- Kambia e awa di vasnan dos biaha pa siman i laba e vas bon promé ku pone awa limpi aden; basha e awa sushi pafó den tera;



- Spula aloménos dos biaha pa siman stèngel i raïs di e mata (ku ta den awa) bon pa laba e larva i e webunan di sangura pa deshás di esakinan for di e mata. Basha e awa sushi pafó den tera;
- Dos biaha pa siman, limpia e skòter yen di awa bou di e bakinan di mata; Preferibel kria mata den tera enbes di den pòchi ku awa;
- Ripará kranchinan ku ta lèk;

- Tene bo kas i bo kurá limpi: eliminá tur blekí, pòchi, hèmber sin tapa, ku awa por keda para aden;
- Laga drecha e het di kas:



- Na boka di renbak (e botadó) por pone un sefta, pa evitá ku sangura por drenta òf sali;
- Tapa barí i bakinan di awa;
- Tayernan ku ta wòrdu usá ainda, mester wòrdu poné na un sitio kaminda nan no por kohe awa;
- Tayer ku no ta wòrdu usá mas, mester bai "Landfill";
- Bora tayer ku ta wòrdu usa komo 'skòmel'.



- Sòru pa tur baki di sushi ta tapa bon.
- Kambia e awa di bebe di bestia di kas tur dia i laba e baki bon pa destruí e webunan di e sangura.